

天智天皇【四十代】号田原天皇。治十年。王子男六人。女十三人。三人即位。

但一人不載系圖。

舒明天皇第二子。母齋明天皇也。元年壬戌正月三日即位。先帝崩後。天皇即位之前七年辛酉八月。為救百濟國。遣二万七千人兵。又同冬月。天下大疾。爰亡之人稍及過半。時人以為豐浦大臣靈矣。天下諒闇。天皇至孝。素服稱制。

○明年正月。蘇我宿祢武羅自任右大臣。【五十二】

○同月。矢十萬隻。糸五百斤。綿一千斤。布一千端。稻衆種・千斛。送百濟國。

○三月。大唐新羅伐高麗。高麗請救國家。仍遣兵軍。大唐軍與日本兵合戰。高麗破而屬於日本。釋道顯占。高麗破屬於日本國。

○五月。率船師百七十艘。送豐璋寺于百濟國。

二年癸亥二月。新羅國燒百濟南畔四州。

○三月。遣二万七千兵。伐於新羅國。

○八月。新羅國伐百濟國。

三年甲子三月四日。相當大唐麟德元年玄奘三藏遷化歲。年六十三也。

○同月。右大臣武羅自薨。【五十四】百濟國善光王入本朝。居住難波。

○十二月。大宰府築大堤。貯水。謂之水城。

四年乙丑。百濟百姓男女四百餘人來朝。即移置近江國神崎郡。

○二月。皇太后間人皇女薨。孝德天皇之后也。新羅王遣使貢朝。

○九月。大唐使來朝。上下合二百五十人。十二月歸畢。又百濟國男女二千餘人移于東國。不論緇素。皆賜官食。

五年丙寅正月。高麗進調。大唐沙門智由貢指南車。

○三月。皇太子往佐伯子麿連家。問其所患。

六年丁卯春正月。遷都近江國志賀郡大津宮。本在大和國岡本宮。

○二月三日。天皇寢<sub>二</sub>大津宮<sub>一</sub>。夜半夢見<sub>二</sub>法師<sub>一</sub>。來云。乾山有<sub>二</sub>靈窟<sub>一</sub>。宜<sub>二</sub>早出見<sub>一</sub>。天皇驚寤。出見<sub>二</sub>彼方之山<sub>一</sub>。火光細昇可<sub>二</sub>十餘丈<sub>一</sub>。火焰廣照。甚為<sub>二</sub>希有<sub>一</sub>。即召<sub>二</sub>大伴連櫻井等<sub>一</sub>令<sub>レ</sub>見。皆奏<sub>二</sub>奇異之相<sub>一</sub>。明日尋<sub>二</sub>求其地<sub>一</sub>。天皇行幸。願滿法師等相具。當<sub>レ</sub>彼火光處。有<sub>二</sub>小山寺<sub>一</sub>。一優婆塞經行念誦。召<sub>レ</sub>之借<sub>二</sub>問地山之名<sub>一</sub>。答云。古仙靈窟伏藏地。佐々名實長寺山。于<sub>レ</sub>時優婆塞自然失之。罔<sub>レ</sub>知<sub>レ</sub>所在。但其地躰骨。林樹森々。谷深巖峻。流水清涼。寂莫閑空。可<sub>レ</sub>稱<sub>二</sub>勝地<sub>一</sub>矣。

七年戊辰正月十七日。於<sub>二</sub>近江國志賀郡<sub>一</sub>。建<sub>二</sub>崇福寺<sub>一</sub>。始令<sub>レ</sub>平地。堀<sub>二</sub>出奇異寶鐸一口<sub>一</sub>。高五尺五寸。又堀<sub>二</sub>出奇好白石<sub>一</sub>。長五寸。夜放<sub>二</sub>光明<sub>一</sub>。天皇致<sub>二</sub>左手無名指<sub>一</sub>。納<sub>二</sub>燈爐下唐石臼內<sub>一</sub>。奉<sub>二</sub>為<sub>二</sub>二恩<sub>一</sub>。掌中捧<sub>レ</sub>燈。恒供<sub>二</sub>弥勒佛及十方佛<sub>一</sub>焉。自<sub>レ</sub>尔以還。靈驗如<sub>レ</sub>在。天下之人無<sub>レ</sub>不<sub>二</sub>歸依<sub>一</sub>。同寺緣起云。金堂一基。五間檜皮葺。奉<sub>レ</sub>造<sub>二</sub>坐弥勒丈六一軀并脇侍二菩薩像<sub>一</sub>。講堂一基。五間檜皮葺。奉<sub>レ</sub>造<sub>二</sub>坐阿弥勒佛一軀并脇侍二菩薩像<sub>一</sub>。三重寶塔一基。檜皮葺。奉<sub>レ</sub>造<sub>二</sub>坐四方佛。脇侍二菩薩像<sub>一</sub>。燈爐一基。構<sub>二</sub>居唐石臼上<sub>一</sub>。鐘一口。高六尺。十三間僧房一字。七間僧房一字。印藏一字。炊屋一字。五間檜皮葺。湯屋一字。三間檜皮葺。竈屋一字。三間板葺。淨屋一字。五間檜皮葺。【已上崇福寺緣起。】

○二月戊寅日。<sup>廿三</sup>倭姬皇女立為<sub>二</sub>皇后<sub>一</sub>。【古人大兄皇子女。】同日。以<sub>二</sub>大海皇子<sub>一</sub>立<sub>二</sub>皇太子<sub>一</sub>。【天武天皇是也。】

○五月日。天皇猶<sub>二</sub>蒲生野<sub>一</sub>矣。皇太子。内臣。諸臣皆悉持從。自<sub>二</sub>常陸國<sub>一</sub>進<sub>二</sub>白雉并生<sub>レ</sub>角馬<sub>一</sub>。勅造<sub>二</sub>百濟大寺<sub>一</sub>。今大安寺也。【年月不<sub>レ</sub>慥。】別造<sub>二</sub>丈六釋迦佛像并脇士菩薩等像<sub>一</sub>。安<sub>二</sub>置寺中<sub>一</sub>。天皇夜致<sub>二</sub>祈念<sub>一</sub>之間。曉更有<sub>二</sub>二女人<sub>一</sub>。來<sub>レ</sub>自<sub>二</sub>天上<sub>一</sub>。容花端麗。香氣遍滿。礼<sub>二</sub>拜此像<sub>一</sub>。供<sub>二</sub>養妙花<sub>一</sub>。讚歎良久。謂<sub>二</sub>天皇<sub>一</sub>曰。今見<sub>二</sub>此像<sub>一</sub>。相好已具。與<sub>二</sub>靈山實相<sub>一</sub>。毫釐無<sub>レ</sub>違。可<sub>レ</sub>謂<sub>二</sub>此土衆生甚有<sub>二</sub>清信<sub>一</sub>。其言未<sub>レ</sub>終。飄然入<sub>レ</sub>雲。又開眼之日。瑞應不<sub>レ</sub>一。紫雲滿<sub>レ</sub>空。妙音佛<sub>レ</sub>天等是也。【已上出<sub>二</sub>彼寺記<sub>一</sub>】又甘露降<sub>二</sub>於難波<sub>一</sub>。其形如<sub>レ</sub>綿。長五六尺。

廣八寸。隨風飄落。其味甚甘。

◎同年。新羅紗門道行盜草薙之劍。向本國。時風雨荒迷而遂持歸。

◎七月。始任太宰帥。

◎十月。大唐國滅高麗。

◎十二月。地震。筑紫地裂。廣二丈。長三千餘丈。嶺谷遷改。

八年己巳五月。天皇獨山科野。

◎八月。霹靂於內臣鎌足之家。

◎十月十三日。內臣鎌足任內大臣。【內大臣此時始。】改無中臣姓。賜藤原朝臣。授大織冠。【正一位之号也。】稍纏沈痾。遂至大漸。天皇幸於私第。親問所患。即詔曰。若有所思。便可聞。大臣對曰。臣既不敏。敢當何言。帝哽咽。悲不自勝。即時還宮。遣皇太子弟。就於其家。詔。邈思前代。執政之臣。計勞授能。不足比公。非但朕寵汝身。後嗣帝王實惠子孫。不忘不遺。廣厚酬答。仍授大織冠。以任太政大臣。【私云。任太政大臣者。其旨未詳。雖出家傳。世全不知補大相國。若以任內大臣。書誤云太政大臣歟。慥可考訪而已。】十六日辛酉。薨于淡海之第。時年五十有六。勅曰。一步不忘。片言不遺。仰望聖德。伏深係戀。加以出家歸佛。必有法具。故賜純金香爐。持此香爐。如汝誓願。從觀世音菩薩之後。到兜率陀天之上。日夕夜々聽弥勒之妙說。朝々暮々轉眞如之法輪。公卿大夫百官人等。皆赴喪庭。舉哀鼓吹。自古帝王之隆恩。宰輔之極寵。未有若今日之盛也。大臣是大倭國高市郡人也。其先。出自天兒屋根命。世掌天地之祭。相和人神之間。仍命其氏。曰中臣。美氣祐卿之長子也。母。大伴夫人。大臣在孕而哭聲聞於外。十有二月乃誕。外祖母語夫人曰。汝兒孌妊之日。與常人異。非凡之子。必有神功。夫人心異之。將誕无苦。不覺安生。大臣性仁孝。聰明叡哲。玄鑒深遠。幼年好學。博涉書傳。為人偉雅。風姿特秀。前看若偃。後見如伏。先後賜封。都合一万五千戶也。先是。高麗王贈書於大臣曰。惟大臣。仁風遠扇。盛德遐覃。宣王化於千年。

揚芳風於萬里。為國棟梁。作民船橋。國之所瞻仰。百姓之所企望。遙聞喜抃。馳慶良深。【已上家傳。】

◎同年。斑鳩寺火。大唐人郭務悰等二千餘人來朝令居近江國蒲生郡。高麗國破滅。

九年庚午閏九月六日。大織冠內大臣改葬山城國山階精舍。勅王公卿士。悉會葬所。于時空中有雲。形如紫蓋。絲竹之音聽於其上。大眾聞見。歎未曾有也。大臣精崇三寶。欽尚四弘。每年十月。莊嚴法筵。仰維摩之景行。說不二之妙理。亦割取家財。入元興寺。儲置五宗學問之分。由是。賢僧不絕。聖道稍隆。盖斯之徵哉。大和國十市郡倉橋山多武峯。是其墓所也。【已上家傳。】

◎同年。大藏省并諸司等燒亡。唐人男女七百餘人來朝。讚岐國貢四足鷄。十年辛未正月五日。以大友皇子為太政大臣。年廿五歲。天智天皇男也。母采女伊賀宅子娘也。太政大臣此時始之。

◎同日。右大臣蘇我宿祢赤兄任左大臣。同日。中臣朝臣金連任右大臣。【糠手子大連公之男也。】同日。始置大納言。【三人初任。】

◎四月。始用漏剋。天皇太子時所製也。

◎同月。鎮西獻八足鹿生。唐二千餘人來朝。乘船四十七艘。大炊司有八鼎。同時俱鳴。

◎九月。天皇不豫。天皇施入珍財於法興寺。

◎十月。天皇臥病。召於東宮大海皇子。引入大殿。詔曰。朕病弥甚。後事付汝。宜嗣帝位。皇太子大海皇子固辭。奏曰。臣元多病。何保社稷。請以大后付屬鴻業。令大友太政大臣奉宣諸政。願為陛下。今日出家。欲修佛道。便於內裡。剃髮為僧。而被袈裟。入吉野山。公卿等相從送之。同十月。立大友太政大臣為皇太子。

◎十二月三日。天皇崩。同十二月五日。大友皇太子。即為帝位。【生年廿五。】一云。天皇駕馬。幸山階鄉。更無還御。永交山林。不知崩所。【只以

履沓落處<sub>二</sub>為<sub>二</sub>其山陵<sub>一</sub>。以往諸皇不知<sub>二</sub>因果<sub>一</sub>。恒事<sub>二</sub>致害<sub>一</sub>。山陵山城國宇治郡山科鄉北山。【高二丈。方十四町。】元年壬戌。如來滅跡一千六百一十一年。

天武天皇【四十一代 号<sub>二</sub>清御原天皇<sub>一</sub> 治十五年 王子男十人 女十人 無<sub>二</sub>

即位人<sub>一</sub>】

舒明天皇第三男。母齋明天皇也。

元年壬申五月。大友皇子既及<sub>二</sub>執政<sub>一</sub>。左右大臣等相共發<sub>レ</sub>兵。將<sub>レ</sub>襲<sub>二</sub>於吉野宮<sub>一</sub>。

于<sub>レ</sub>時舍人朴井連雄君奏曰。臣有<sub>二</sub>私事<sub>一</sub>。至<sub>二</sub>美濃<sub>一</sub>時。近江朝廷宣<sub>二</sub>美濃尾張兩

國司<sub>一</sub>曰。為<sub>レ</sub>造<sub>二</sub>山陵<sub>一</sub>。差<sub>二</sub>定人夫<sub>一</sub>。人別令<sub>レ</sub>執<sub>二</sub>兵杖<sub>一</sub>。是計非<sub>レ</sub>為<sub>二</sub>山陵<sub>一</sub>。恐

必有<sub>レ</sub>事矣。若不<sub>二</sub>早避<sub>一</sub>。當<sub>レ</sub>有<sub>二</sub>其危<sub>一</sub>。又或人奏云。自<sub>二</sub>近江京<sub>一</sub>至<sub>二</sub>大和京<sub>一</sub>。

處々置<sub>レ</sub>軍云々。世傳云。大友皇子之妃。是天皇女也。竊以<sub>二</sub>謀事<sub>一</sub>。隱通<sub>二</sub>消息<sub>一</sub>。

【已上】於是。吉野宮言。讓<sub>レ</sub>位遁<sub>レ</sub>世。是為<sub>二</sub>治<sub>レ</sub>病全愈<sub>一</sub>也。然今不<sub>レ</sub>圖之外。

其禍招<sub>レ</sub>身。何默止哉。

○六月。遣<sub>二</sub>人美濃國<sub>一</sub>。令<sub>レ</sub>發<sub>レ</sub>兵塞<sub>二</sub>不破道<sub>一</sub>。天皇引<sub>レ</sub>率男女子息<sub>一</sub>。同六月

十日。步行入<sub>二</sub>東國<sub>一</sub>。路遇<sub>二</sub>縣犬養大伴鞍馬<sub>一</sub>。駕<sub>二</sub>御之<sub>一</sub>。皇后載<sub>レ</sub>輿從<sub>レ</sub>之。從

者草壁忍壁<sub>二</sub>皇子<sub>一</sub>。舍人廿餘人。女孺十有餘人。即日到<sub>二</sub>菟田吐<sub>一</sub>。獺者廿餘人

從<sub>レ</sub>之。又米駄卅疋。弃<sub>レ</sub>米令<sub>レ</sub>騎<sub>二</sub>步行者<sub>一</sub>。夜半至<sub>二</sub>伊賀國<sub>一</sub>。々司并數人從<sub>レ</sub>之。

明日。高市皇子自<sub>二</sub>鹿深越<sub>一</sub>遇<sub>レ</sub>之。越<sub>二</sub>大山<sub>一</sub>。至<sub>二</sub>伊世鈴鹿<sub>一</sub>。於<sub>二</sub>朝明郡跡太川

邊<sub>一</sub>。望<sub>二</sub>拜天照大神<sub>一</sub>。伊世國司發<sub>二</sub>五百軍<sub>一</sub>。塞<sub>二</sub>鈴鹿闕<sub>一</sub>。大津皇子六七八人男相

具。率<sub>二</sub>三千人軍<sub>一</sub>參來。塞<sub>二</sub>美乃國不破之道<sub>一</sub>。天皇居<sub>二</sub>不破宮<sub>一</sub>。以<sub>二</sub>高市皇子<sub>一</sub>

令<sub>レ</sub>監<sub>二</sub>軍事<sub>一</sub>。差<sub>レ</sub>使遣<sub>二</sub>東海東山<sub>一</sub>道。近江朝廷聞<sub>レ</sub>之悉愕。京内併以騷動。尾

張守少子部連率<sub>二</sub>二萬軍<sub>一</sub>來歸。即分<sub>二</sub>其軍<sub>一</sub>。塞<sub>二</sub>處々道<sub>一</sub>。以<sub>二</sub>大伴連吹負<sub>一</sub>為<sub>二</sub>將

軍<sub>一</sub>。

○七月。遣<sub>二</sub>紀臣阿閉麿等<sub>一</sub>。率<sub>二</sub>數萬衆<sub>一</sub>。自<sub>二</sub>伊世大山<sub>一</sub>。越向<sub>中</sub>大倭<sub>一</sub>。且遣<sub>下</sub>

村國連男依等<sub>一</sub>。率<sub>二</sub>數萬萬衆<sub>一</sub>。自<sub>二</sub>不破<sub>一</sub>出<sub>上</sub>。直入<sub>二</sub>近江國<sub>一</sub>。

○同月七日丙申。途戰。斬<sub>二</sub>近江將軍境部連藥<sub>一</sub>。

○九日戊戌。又斬<sub>二</sub>近江「國」將軍秦友足等<sub>一</sub>。

○十三日壬寅。戰安川濱。

○廿二日辛亥。到瀨田時。大友皇子。及群臣等。亦率數万兵軍。營於橋西。左右成陣。飛旗擊鼓。驚車千里。列弩亂發。矢下如雨。于時粟津朝廷大將軍智尊。先鋒距之。爰有大分若臣。弃長矛。拔刀被矢。入軍斬智尊矣。大友皇子走无所匿。乃還隱山前。左右大臣等僅脫身逃散。

○廿三日壬子。大友皇子遂以自害。男依等軍於粟津岡下。亦斬近江將犬上五十君等。

○廿四日癸丑。將軍吹負等探捕左右大臣及諸罪人等。

○廿六日乙卯。向不破宮。捧大友皇子之頭。獻天皇營前畢。

○廿七日丙辰。右大臣中臣金連被誅。左大臣蘇我宿祢赤兄配流。時年五十。自餘左遷。其員甚多。同日依其功勞。各叙官位。

○八月。天皇幸野上宮。立年号為朱雀元年。大宰府獻三足朱雀。仍為年号。

○九月。天皇還大倭京。還于岡本宮。

○十一月。饗新羅使。

二年癸酉二月廿七日癸未。天皇即位。同日以菟野皇女<sup>持統</sup>。立為皇后。都大和國高市郡明日香清御原宮。

○三月。備後國進白雉。仍改為白鳳元年。白鳳合至二十四年。

○同三月。於三川原寺。始寫一切經。同月。智藏任僧正。吳學生福亮僧正在俗時子也。

○四月十四日。以大來皇女。獻伊勢神宮。始為齋王。依合戰願也。

○十一月。大嘗會丹波播磨供奉其事。

○十二月。義成任小僧都。

○同年。大唐使郭務悰等賜繼一千六百七十三疋。布二千八百五十二端。綿六百六十六屯。

三年甲戌八月。奉祭諸神。

○十月。齋宮向<sub>二</sub>伊勢大神宮<sub>一</sub>。

四年乙亥。相模國女<sub>一</sub>「座」產<sub>三</sub>男<sub>一</sub>。

◎同年。土左國大神太刀一口進<sub>三</sub>天皇<sub>一</sub>。

五年丙子。自<sub>レ</sub>春不<sub>レ</sub>雨。天下大飢。勅<sub>三</sub>諸國<sub>一</sub>。講<sub>三</sub>讀寂勝仁王等經<sub>一</sub>。親王以下。內命婦等。各給<sub>三</sub>食封<sub>一</sub>。

○同年秋七月。有<sub>レ</sub>星出<sub>レ</sub>東。其長八尺。

六年丁丑。太宰府貢<sub>三</sub>赤烏<sub>一</sub>。獻<sub>レ</sub>烏之人被<sub>レ</sub>叙<sub>三</sub>五品<sub>一</sub>。

○三月。新羅使等入京。

○六月。大地震動。

七年戊寅三月。地震。」因幡國貢<sub>三</sub>稻一莖中有<sub>三</sub>八千粒<sub>一</sub>。

○十月。甘露降。」十市皇女薨<sub>三</sub>宮中<sub>一</sub>。

八年己卯正月。新羅人入<sub>レ</sub>京。貢<sub>三</sub>金銀等<sub>一</sub>。

九年庚辰正月。桃李生<sub>レ</sub>實。

○二月。得<sub>三</sub>麟角<sub>一</sub>。

○七月。割<sub>三</sub>伊勢四郡<sub>一</sub>。建<sub>三</sub>伊賀國<sub>一</sub>。別<sub>三</sub>駿河二郡<sub>一</sub>。為<sub>三</sub>伊豆國<sub>一</sub>。

○十一月。依<sub>三</sub>皇后病<sub>一</sub>。造<sub>三</sub>藥師寺<sub>一</sub>。鋪金未<sub>レ</sub>遂。龍駕騰仙。始鑄<sub>三</sub>佛於飛鳥淨

原之朝<sub>一</sub>。畢造<sub>三</sub>寺於養馬藤原之宮<sub>一</sub>。土木之功熟<sub>三</sub>於三帝<sub>一</sub>。【天武。持續。元明。】

日月之營送<sub>三</sub>於五代<sub>一</sub>。【又加<sub>三</sub>文武飯高<sub>一</sub>。】寶塔穿<sub>レ</sub>雲。亘<sub>三</sub>于千代<sub>一</sub>不<sub>レ</sub>古。珠殿

承<sub>レ</sub>日。歷<sub>三</sub>于万劫<sub>一</sub>長<sub>レ</sub>今。東南水面觀<sub>三</sub>實相之月<sub>一</sub>。西北山頭聞<sub>三</sub>清涼之風<sub>一</sub>。金

容垂慈。含<sub>三</sub>一六之願<sub>一</sub>。鐘響遠聽。滅<sub>三</sub>百千之罪<sub>一</sub>。【已上】為憲記云。藥師寺

清御原天皇之師僧祚蓮入定。見<sub>三</sub>龍宮樣<sub>一</sub>。習作也。【已上】寶塔<sub>一</sub>基。各<sub>三</sub>三重

有<sub>三</sub>裳層<sub>一</sub>。高十一丈五尺。縱廣三丈五尺。兩塔內安<sub>三</sub>置釋迦如來八相成道形<sub>一</sub>也。

金堂一字。二重閣。五間四面。長七丈八尺。廣四丈五寸。柱高一丈九尺五寸。佛

壇。長三丈三尺。高一尺八寸。安<sub>三</sub>置丈六金銅須弥座。藥師像一軀。左右脇土。

日光遍照菩薩。月光遍照菩薩像。各一軀。【已上持統天皇奉<sub>三</sub>造坐<sub>一</sub>者也。】又觀

世音菩薩像二軀。又帳外壇下佛前。并左右。造<sub>三</sub>立綵色十二藥叉大將像<sub>一</sub>。高各

七尺五寸。南大門五間二重。長五丈。廣二丈二尺。東西居師子形各高七尺金剛力士。中門一口五間。一蓋。長五丈一尺。廣二丈五尺。高一丈六尺。南面左右立三王像并夜叉形天及座鬼形等。合十六躰。講堂一字。重閣七間四面。在裳層。高一丈三尺六寸。長十二丈六尺。廣五丈四尺五寸。安置繡佛像一張。高三丈。廣二丈一尺八寸。阿彌陀佛像并脇士菩薩天人等像。惣百餘躰奉繡之。【為天武天皇持統天皇之奉造者也。】食堂一字。九間四面。正中一間。內殿安置金銅半丈六阿彌陀佛像并觀音得大勢至菩薩各一躰。經樓一口。鐘樓一字。縣鴻鐘一口。百濟國王所獻也。西院安置弥勒淨土障子。僧房十四宇。【已上】十年辛巳二月。以草壁皇子立皇太子。周防國貢赤龜。

○四月。立式九十二條。

○九月。新羅貢調。氏々賜朝臣宿祢連等姓。

○同年。多祢國人進其國圖。彼國去京五千里。居筑紫國南海之中。切髮艸衣。十一年壬午。太宰府貢三足烏。

○四月。天下男女皆令上髮。有種々變異。相當大唐乘基法師卒年。十二年癸未。停銀錢。用銅錢。

○同年。移百濟大寺。建高市郡夜倍村。施加封邑七百戶。公田二百町。利稻卅万束。改名曰大官大寺。【今大安寺是也。】

十三年甲申。天皇不豫。於是。皇太子草壁皇子。奉勅。群臣百官等。共詣大官大寺。各發願曰。天皇御願。於此伽藍。欲開法會。而其願未遂。晏駕將促。縱雖定業。願延三年之壽。果此大願矣。于時。天皇感夢。得延寶筭。如其所願。三箇年間。刻鏤佛像。繕寫法文。【已上在大安寺記。】

○同年。丹波國貢十二角犢。大和國獻四足雞。

十四年乙酉四月十四日。難波宮并京宅皆失火。

○五月十四日。地震。山崩河涌。舍屋悉損。人畜多死焉。

○十月廿三日。天文悉乱。隕星如雨。

十五年丙戌。大倭國進赤雉。仍七月。改為朱鳥元年。於信濃國令造行



宮。擬幸東國温泉。

○八月。七道諸國遣巡察使。新羅國進調。以草薙劍。送尾張國熱田神社。

○九月四日。天皇崩。【一云。九月九日崩。】山陵。大和國高市郡檜隈大内。【高五丈。方五町。】十五年丙戌歲。大友太政大臣子大友與多。大臣家地造御井寺。今三井寺是也。依父遺誡建立之。云々。私云。若天皇崩後建立之歟。可考。又天皇建弘福寺。【年月可考。】元年壬申。如來滅後一千六百廿一年。

持統天皇【四十二代 女帝 号菟野皇后 治十年 王子一人 无即位人】天智天第二女。天武天皇之后也。母山田大臣石川磨女。越智娘也。皇后臨朝稱制。丁亥歲為其元年。至第四年即位。都大和國高市郡明日香清御原宮藤原宅。元年八月。天皇請集三百龍象。施與先帝御服所製縫袈裟各一條。是年。新羅王子來朝。獻金銀珍寶等并佛像等。大津皇子將謀叛皇太子草壁尊。仍十一月。賜死。【年廿四。】皇子。才學拔萃。殊好文筆。詩賦之興。始自此時。皇子之妃山邊皇女臨皇子賜死時。被髮徒跣。奔赴殉處矣。見者或悲或哭。

○十二月。饗蝦夷男女三百餘人於飛鳥寺西槻下。

二年戊子。始定國忌。近代天皇崩日也。

三年己丑正月「朔」乙卯日。大學寮始獻卯杖。以為恒例。

○四月。皇太草壁尊薨。

○八月。天皇幸吉野宮。

○十二月。禁斷雙六。

四年庚寅正月一日戊寅朔。奉神璽劍鏡於皇后。即天皇位。

○七月。公卿以下始着新裝束。班幣天神地祇。

○同七月五日。以高市皇子為太政大臣。卅七。天武天皇三男也。兼内舍人。賜封二千戶。合前五千戶也。同日。多治比真人任右大臣。【六十七。】多

治比王男。宣化天皇之曾孫也。

○九月。天皇幸<sub>二</sub>紀伊國<sub>一</sub>。  
五年辛卯十一月。大嘗會。因幡。播磨供<sub>二</sub>奉其事<sub>一</sub>。始授<sub>二</sub>位記<sub>一</sub>。  
六年壬辰三月三日。天皇幸<sub>二</sub>伊勢國<sub>一</sub>。

○九月。遣<sub>二</sub>使諸國<sub>一</sub>。定<sub>二</sub>町段<sub>一</sub>。始置<sub>二</sub>中納言<sub>一</sub>。石上朝臣磨初居<sub>二</sub>其職<sub>一</sub>。有<sub>レ</sub>勅。令<sub>レ</sub>計<sub>二</sub>天下諸寺<sub>一</sub>。凡五百四十五寺。寺別施<sub>二</sub>入燈分稻一千束<sub>一</sub>。大官大寺。資財奴婢種々施入。改<sub>二</sub>舊洪鐘<sub>一</sub>。加<sub>二</sub>調銅數千斤<sub>一</sub>。新鑄<sub>レ</sub>之。

七年癸巳正月。漢人始奏<sub>二</sub>踏哥<sub>一</sub>。

◎同月。詔曰。令<sub>二</sub>天下百姓服<sub>二</sub>黃色衣<sub>一</sub>。

○六月。詔<sub>二</sub>高麗沙門福喜<sub>一</sub>還俗。

○九月辛卯日。天皇幸<sub>二</sub>於大和國十市郡倉橋鄉多武嶺<sub>一</sub>。

○壬辰日。車駕還<sub>レ</sub>宮。【已上出<sub>二</sub>日本書紀第卅卷<sub>一</sub>。】

○同九月。遣<sub>二</sub>新羅名僧于天下<sub>一</sub>。

○十月。有<sub>レ</sub>詔。講<sub>二</sub>仁王經<sub>一</sub>。凡於<sub>二</sub>內裡<sub>一</sub>。講<sub>二</sub>仁王寂勝王經<sub>一</sub>。始<sub>レ</sub>自<sub>二</sub>此時<sub>一</sub>。以為<sub>二</sub>恒例<sub>一</sub>。近江國都賀山有<sub>二</sub>醴泉<sub>一</sub>涌出。疾病皆愈。

八年甲午五月。始以<sub>二</sub>金光明經百部<sub>一</sub>。置<sub>二</sub>諸國<sub>一</sub>。每年正月上弦讀<sub>レ</sub>之。其布施。

以<sub>二</sub>當國官物<sub>一</sub>充<sub>レ</sub>之。大安寺僧弁通賜<sub>二</sub>封四十戶<sub>一</sub>。相模國進<sub>二</sub>赤鳥<sub>一</sub>翼。

○十二月乙卯日。天皇遷<sub>二</sub>幸藤原宮<sub>一</sub>。大和國高市郡鷺栖坂地是也。

九年乙未九月。赦<sub>二</sub>獄徒<sub>一</sub>。

十年丙申七月。太政大臣高市皇子薨。【四十三。】

十一年丁酉二月。以<sub>二</sub>輕皇子<sub>一</sub>立<sub>二</sub>皇太子<sub>一</sub>。【文武天皇是也。】日並知皇子【亦名草壁皇子。】一男也。

○七月。天下大旱。

○八月一日甲子。天皇讓<sub>二</sub>位輕皇子<sub>一</sub>。号<sub>二</sub>太上天皇<sub>一</sub>。生年五十歲。天皇之代。官舍始以<sub>レ</sub>瓦葺<sub>レ</sub>之。元年丁亥。相<sub>二</sub>當大唐第四主則天皇后四年<sub>一</sub>。如來滅後。一千六百卅六年。

文武天皇【卅三代 号<sub>二</sub>後輕天皇<sub>一</sub> 治十一年 王子一人 即<sub>二</sub>天位<sub>一</sub>】

草壁皇太子第二子。母元明天皇也。【以下續日本紀四十卷略抄】天皇博涉經史。尤善射藝。

元年丁酉歲八月一日甲子。生年十五即位。都大倭國高市郡藤原宮。

○九月。近江國獻白鰲。丹波國進白鹿。

○十月。新羅使來朝。

二年戊戌二月丙申日。天皇車駕幸宇智郡。

○三月壬午日。詔以惠施法師為僧正。智淵法師為少僧都。善徠法師始為

律師。【惠輪僧正在俗時子也。】

○六月丙申日。近江國獻白燹石。

○七月。禁博戲遊手之徒。

○乙亥日。下野備前國獻赤烏。

○八月。詔曰。藤原之姓。宜令其子不比等承之。但意美万呂寺者。依供神事。宜復舊姓。

○九月。以當者皇女。為伊世齋宮。

○十月庚寅日。藥師寺作畢。詔衆僧。令住其寺。

○十一月。大嘗會。美乃尾張供奉其事。始定律令。

三年乙亥正月壬午日。新羅女一。產二男二女。賜絕五疋。綿五屯。布十端。稻五百束。乳母一人。

○癸未日。幸難波宮。

○二月丁未日。車駕還宮。

○三月甲子日。河內國獻白鳩。

○五月丁丑日。役君小角。流于伊豆嶋。【已上國史】斯役優婆塞者。賀茂役公氏。今高賀茂朝臣者也。大倭國葛木上郡茅原村人也。自性博學。仰信三寶。

齒及三毛。更居巖窟。住葛木山。卅餘箇年。被藤皮。餌松葉。以之為業。閑孔雀之神咒。窮奇異之驗術。乘五色雲。通仙人。駟使鬼

神。汲水採薪。仰山神。稱大和國金峯山。与葛木嶺。竝亘石橋。可

通<sub>二</sub>行路<sub>一</sub>。爰鬼神等。夜々運<sub>レ</sub>巖削。調度始矣。役行着迫云。白晝露<sub>レ</sub>形。可<sub>レ</sub>亘<sub>二</sub>石橋<sub>一</sub>。然葛城峯一言主神。愧<sub>二</sub>其醜形<sub>一</sub>。不<sub>レ</sub>用<sub>二</sub>其命<sub>一</sub>。因<sub>レ</sub>茲。行者以<sub>レ</sub>咒縛<sub>レ</sub>之。置<sub>二</sub>于谷底<sub>一</sub>。彼神託<sub>二</sub>宣宮臣<sub>一</sub>云。僕元鎮<sub>二</sub>守謀叛之徒<sub>一</sub>。然役君小角將<sub>レ</sub>傾<sub>二</sub>國家<sub>一</sub>。先以繫縛。天皇下<sub>レ</sub>勅。召<sub>二</sub>役行者<sub>一</sub>。昇<sub>レ</sub>空飛行。不<sub>レ</sub>能<sub>二</sub>輒捕<sub>一</sub>。窺<sub>二</sub>搦其母<sub>一</sub>。小角自來。仍配<sub>二</sub>伊豆大嶋<sub>一</sub>。歷<sub>二</sub>三年<sub>一</sub>矣。晝隨<sub>二</sub>皇命<sub>一</sub>。居<sub>二</sub>伊豆嶋<sub>一</sub>。夜為<sub>二</sub>練行<sub>一</sub>。往<sub>二</sub>富士山<sub>一</sub>。身浮<sub>二</sub>海上<sub>一</sub>。走如<sub>レ</sub>踏<sub>レ</sub>陸。意馳<sub>二</sub>震旦<sub>一</sub>。飛如<sub>二</sub>翥鳳<sub>一</sub>。【已上異記。私云。役行者。事雖<sub>レ</sub>出<sub>二</sub>靈異記<sub>一</sub>。相違本傳。如何。具如<sub>二</sub>下文書記<sub>一</sub>。】

○六月戊戌日<sup>十五</sup>。施<sub>二</sub>山田寺封三百戶<sub>一</sub>。限<sub>二</sub>卅年<sub>一</sub>也。」或記云。同比。天皇於<sub>二</sub>大官大寺內<sub>一</sub>。起<sub>二</sub>九重塔<sub>一</sub>。施<sub>二</sub>入七寶<sub>一</sub>。又於<sub>二</sub>同寺內<sub>一</sub>。度<sub>二</sub>五百人<sub>一</sub>。追<sub>二</sub>感天智天皇御願<sub>一</sub>。欲<sub>レ</sub>造<sub>二</sub>丈六佛像<sub>一</sub>。招<sub>二</sub>求良工<sub>一</sub>。未<sub>レ</sub>得<sub>二</sub>其人<sub>一</sub>。天皇合掌。向<sub>レ</sub>佛發願曰。冀遇<sub>二</sub>工匠<sub>一</sub>。奉<sub>レ</sub>刻<sub>二</sub>尊容<sub>一</sub>。其夜有<sub>二</sub>沙弥<sub>一</sub>。謂<sub>二</sub>天皇言<sub>一</sub>。往年造<sub>二</sub>此像<sub>一</sub>者。是化人也。非<sub>レ</sub>可<sub>二</sub>重來<sub>一</sub>。雖<sub>レ</sub>得<sub>二</sub>良匠<sub>一</sub>。猶有<sub>二</sub>斫斧之蹟<sub>一</sub>。雖<sub>レ</sub>云<sub>二</sub>畫工<sub>一</sub>。豈无<sub>二</sub>丹青之訛<sub>一</sub>。宜<sub>下</sub>以<sub>二</sub>大鏡<sub>一</sub>縣<sub>二</sub>於佛前<sub>一</sub>。拜<sub>中</sub>其映像<sub>上</sub>。々則非<sub>レ</sub>圖。非<sub>レ</sub>造。三身具足。見<sub>二</sub>其形<sub>一</sub>者。應身之躰也。窺<sub>二</sub>其影<sub>一</sub>者。化身之相也。觀<sub>二</sub>其空<sub>一</sub>者。法身之理也。功德勝利。無<sub>レ</sub>過<sub>二</sub>斯焉<sub>一</sub>。天皇夢覺而歡喜。知<sub>二</sub>如來之應願<sub>一</sub>。即以<sub>二</sub>大鏡<sub>一</sub>。縣<sub>二</sub>於佛前<sub>一</sub>。請<sub>二</sub>五百僧<sub>一</sub>。大設<sub>二</sub>供養<sub>一</sub>。【已上】

○七月。弓削皇子薨。

○八月壬寅日<sup>廿一</sup>。伊与國獻<sub>二</sub>白鷺<sub>一</sub>。

○十二月。始置<sub>二</sub>「於」鑄錢司<sub>一</sub>。

四年庚子三月己未日<sup>十</sup>。道昭和尙忽出<sub>二</sub>異香<sub>一</sub>。光明遍<sub>レ</sub>室。召<sub>二</sub>弟子好調<sub>一</sub>曰。汝見<sub>レ</sub>光不。答言已見。法師誡曰。勿<sub>二</sub>妄宣傳<sub>一</sub>。光自<sub>レ</sub>房出。旋<sub>二</sub>寺庭<sub>一</sub>。照耀良久。光指<sub>レ</sub>西行。端<sub>二</sub>坐繩床<sub>一</sub>遷化。春秋七十二。河內國丹比郡人也。俗姓船連。天皇甚惜。驗<sub>レ</sub>使弔<sub>レ</sub>之。弟子等以火葬之。欲<sub>レ</sub>取<sub>二</sub>其骨<sub>一</sub>。于<sub>レ</sub>時風忽吹至。骨灰不<sub>レ</sub>知<sub>二</sub>去所<sub>一</sub>。本朝火葬始<sub>レ</sub>之矣。和上在生時。兩牙放<sub>レ</sub>光。弟子欲<sub>レ</sub>収<sub>二</sub>此牙<sub>一</sub>。忽為<sub>二</sub>鬼神<sub>一</sub>取去已訖。和尚持渡經論。書迹文字。並不<sub>二</sub>錯誤<sub>一</sub>。今在<sub>二</sub>平城右京禪院<sub>一</sub>。

【已上國史。】

○八月乙卯日。長門國獻白龜。

○乙丑日。勅僧通德。惠俊。並還俗。代度各一人。為用其藝也。

○廿六日。右大臣多治比真人嶋任左大臣。

○十一月壬寅。大倭國女一。產一男一女。賜緇布綿稻乳母等。

五年辛丑正月。天皇御大極殿。受麻拜。於正門立鳥形幢。左日像。青龍朱雀幡。右月像。玄武白虎幡。文物之儀。於是始備矣。

○正月戊子日。新羅使賜緇布百五十疋。綿九百卅二斤。布百端。及小使。并水手上。賜祿有差。

◎同月。藤原朝臣不比等任中納言。即日。任大納言。【時年四十二】同月。役君小角有勅召反。為憲記云。大寶元年五月。役公小角召返。漸近鳳闕。登虛飛去。浮海度唐。古人傳曰。役優婆塞。身居草座。母尼乘鉢。共以入唐。外從五位下韓國連廣足。元以行者。為師敬重。後妬賢德。讒奏公家云。小角誑惑世間。為國凶亂也。又葛木山之澗底。常有吟音。聞人尋至。大巖藤纏。疑是巖吟歎。切放即纏。如本繫縛。【已上出為憲記】役公傳云。

役優婆塞者。大和國葛上郡茅原鄉人也。今改姓成高賀茂氏也。着藤皮衣。松葉為食。吸花汁。助保身命。卅餘箇年。誦孔雀王咒。難行苦行。大驗自在。追聚鬼神。令駈仕。吾國無比也。於時金峯與葛山峰。為行通於兩山。召集諸國諸神。令度橋之時。金峯大神不勝咒力。而且作始之。葛木一言主大神又且作始。申於行者云。自形尤醜。夜間作之。行者迫一言主明神云。晝尚倦。况將夜作哉。早速可作度。時一言主明神不勝於行者迫。讒言放王宮。役優婆塞擬傾皇位。云々。依咤宣。追捕行者。依咒驗力。不被更捕。故捕母籠於獄。尔時行者為濟母。出而至於獄邊。稱名被捕也。即被流遣於伊豆嶋矣。爰行者晝隨王命居嶋。孝順於母尼。夜修行駿河國富慈峰。已送日月。但以藤原宮御宇天皇代白鳳卅七年丁酉歲二月十日。流遣也。然又件神咤宣。彼行者早速可致罪。爰公家信用神讒言可致。遣勅使彼嶋。以白鳳五十六年十二月廿五日。到於嶋。召出行者。

拔刀欲斂之。時行者不拒。而勅使前蹲居乞斂刀。左右肩并面背等。經二度。以舌舐畢。然返與使云。今早可斂者。使受取其刀。見上下者。有文。寫取於絺見者。富慈明神表文也。驚惶言上。待天裁。天皇召博士。令說表文者。當其辭云。天皇可慎宗。是非凡夫。大賢聖也。早免斂罪。速迎於都城。尊重可令住修者也。爰重勅。使免斂罪畢。勞尊敬如神言。于時行者含怨。咒力纏一言主明神。以大寶元年辛丑正月一日。母子共度去於大唐。自尔以降。葛木一言主明神所纏未免。辛苦尤甚也。「不可」讒言自在大神。得怨讎而于今未免脫。件行者。唐國四十仙人中第三座也。以何知之者。日本國求法遣唐副學生道昭大德得五百賢聖請。住新羅山寺。講法花經。時神仙每日集會。從道昭上人所說。其中第三聖人。以彼倭音揚問論義。時道昭法師驚奇云。道昭已日本國副學生也。何所聖人乎。其諱亦如何。誰人以和音為問哉。時件聖人答言。我是日本國大和國金峯葛山并駿河國富慈峰等修行。役優婆塞也。時道昭法師從講座下。礼拜喜悅矣。爰彼此讓敬交談畢。依有衆生是心。含恨捨山。母堂自坐鉢渡來於此國。踰跼送年。雖然。難忘本所。三年一度。詣住於金峯葛山富慈峰。寄讀奉代々天皇。于今未忘朝恩。但一言主葛木明神難可免脫。云々。然即件行者。行於大唐國。日夜朝暮。令駈使八部衆。道昭法師歸朝。傳談議我國焉。于時貞觀十五年癸巳註記而已。自彼大寶元年辛丑歲。至于今年癸巳。積年一百七十三年。【已上出本傳文。私云。此本傳文雖注年代。未知作者。是誰人哉。往々相違。眞偽叵知。又上文云丁酉歲配流。下文云大寶元年辛丑度唐。合經五年。而何言白鳳五十六年猶在二于島矣。自彼白鳳四十七年。至同五十六年。已歷二十年。上下乖違。何為指南焉。又白鳳合十四箇年也。何云五十六年矣。又役行者遇道昭和尙。交談云。母堂乘鉢。共渡大唐。此文恐是誂也。道昭入滅後。役君入唐。母子同涉。何云踰跼送年乎。但小角相值道公之文。書景戒記并類聚國史。小角獨以通。為時々竊行也。是非波母氏相具顯露飛去到。已上私詞。

○五年二月丁未<sup>四日</sup>。釋奠。於是始矣。

○三月。安倍朝臣御主人任<sub>二</sub>右大臣<sub>一</sub>。元大納言。年六十七。

○同月廿一日甲午。對馬嶋「國」始貢<sub>二</sub>白銀<sub>一</sub>。仍改為<sub>二</sub>大寶元年<sub>一</sub>。【自<sub>レ</sub>是以後。年号相續不<sub>レ</sub>絶。】對馬嶋出<sub>二</sub>白銀<sub>一</sub>郡司等。授<sub>二</sub>三階位<sub>一</sub>。并賜<sub>二</sub>絺綿布鍬等<sub>一</sub>。

○七月廿一日。左大臣多治比真人嶋薨。年七十八。

○八月壬寅日<sup>二日</sup>。勅<sub>二</sub>僧惠耀。信成。東樓<sub>一</sub>。並令<sub>二</sub>還俗<sub>一</sub>。代度各一人。

○甲辰日<sup>四日</sup>。太政官處分。近江國志我山寺封。起<sub>二</sub>庚子年<sub>一</sub><sup>文武四</sup>。計滿<sub>二</sub>卅年<sub>一</sub>。筑紫觀世音寺封。起<sub>二</sub>大寶元年<sub>一</sub>。計滿<sub>二</sub>五歲<sub>一</sub>。並停止之。

○甲寅日<sup>十四</sup>。遣<sub>二</sub>使於河内。攝津。紀伊國等<sub>一</sub>。營<sub>二</sub>造行宮<sub>一</sub>。兼造<sub>二</sub>御船卅一艘<sub>一</sub>。為<sub>レ</sub>備<sub>二</sub>水行<sub>一</sub>也。

○九月丁亥日<sup>十八</sup>。行<sub>二</sub>幸紀伊國<sub>一</sub>。

○十月丁未日<sup>八日</sup>。車駕至<sub>二</sub>武漏温泉<sub>一</sub>。

大寶二年壬寅正月癸巳日<sup>廿五</sup>。詔以<sub>二</sub>智淵法師<sub>一</sub>為<sub>二</sub>僧正<sub>一</sub>。善性法師為<sub>二</sub>大僧都<sub>一</sub>。弁昭法師為<sub>二</sub>少僧都<sub>一</sub>。僧昭法師為<sub>二</sub>律師<sub>一</sub>。」「同年正月十五日然善性任大僧都同日僧昭任律師」

○二月乙丑日<sup>廿八</sup>。諸國司等始賜<sub>二</sub>印鑑<sub>一</sub>。

○三月乙亥日<sup>八日</sup>。始頒<sub>二</sub>度量于七道諸國<sub>一</sub>。

○甲申日<sup>十七</sup>。分<sub>二</sub>越中國四郡<sub>一</sub>。屬<sub>二</sub>越後國<sub>一</sub>。

○甲午日<sup>廿七</sup>。信乃國獻<sub>二</sub>梓弓一千廿張<sub>一</sub>。以死<sub>二</sub>大宰府<sub>一</sub>。

◎同・月大安寺道慈法師付<sub>二</sub>遣唐大使粟田道麿<sub>一</sub>渡海。道慈。俗姓額田氏。大和國添下郡人也。」「一云。大寶元年。道慈法師入唐。

○四月乙巳日<sup>八日</sup>。飛驒國獻<sub>二</sub>神馬<sub>一</sub>。

○七月。美乃國大野郡人進<sub>二</sub>八蹄馬<sub>一</sub>。賜<sub>二</sub>稻千束<sub>一</sub>。

○己巳日<sup>四</sup>。有<sub>レ</sub>勅。被<sub>レ</sub>止<sub>二</sub>親王乘<sub>レ</sub>馬出<sub>二</sub>入宮門<sub>一</sub>。

○九月一日。々蝕天暗。

○癸未<sup>十九</sup>。遣<sub>二</sub>使於伊賀。伊世。美乃。尾張。參河五國<sub>一</sub>營<sub>二</sub>造行宮<sub>上</sub>。」「一云。十

月。幸參河國<sup>一</sup>。十一月。還<sup>レ</sup>京。

○十二月乙巳<sup>十三</sup>。太上天皇不豫。大<sup>三</sup>赦天下<sup>一</sup>。度<sup>二</sup>一百人出家<sup>一</sup>。

○廿二日甲寅。太上天皇崩。<sup>持統</sup>火葬。大和國高市郡大内陵。【天武天皇之同陵也。以下火葬。】

大寶三年癸卯二月癸卯日<sup>十一</sup>。當<sup>三</sup>于太上天皇七々忌<sup>一</sup>。仍遣<sup>二</sup>使四大寺。及四天王寺。山田寺等卅三寺<sup>一</sup>。設<sup>レ</sup>齋焉。

○三月乙酉日<sup>廿四</sup>。以<sup>二</sup>興福寺僧義淵<sup>一</sup>任<sup>二</sup>僧正<sup>一</sup>。大和國高市郡人。俗姓阿刀氏。其父母依<sup>レ</sup>無<sup>二</sup>子息<sup>一</sup>。多年祈<sup>三</sup>請觀音<sup>一</sup>。然間。夜聞<sup>二</sup>小兒啼音<sup>一</sup>。奇出見<sup>レ</sup>之。柴垣之上。有<sup>レ</sup>裹<sup>二</sup>白帖<sup>一</sup>。香氣普滿。歡以取養。不<sup>レ</sup>日長大。天智天皇傳聞。相<sup>三</sup>共皇子<sup>一</sup>。令<sup>レ</sup>養<sup>二</sup>岡本宮<sup>一</sup>。至<sup>レ</sup>是。任<sup>二</sup>僧正<sup>一</sup>。造<sup>レ</sup>寺。号<sup>二</sup>龍盖寺<sup>一</sup>。俗云。造<sup>二</sup>五箇寵寺<sup>一</sup>。龍岡。龍福寺。

○四月癸巳日<sup>二日</sup>。奉<sup>三</sup>為太上天皇<sup>一</sup>。設<sup>二</sup>百日齋於御在所<sup>一</sup>。

○閏四月辛酉<sup>一日</sup>。饗<sup>二</sup>新羅客于難波館<sup>一</sup>。同月一日。右大臣御主人薨。【六十九。】

○十月甲戌日<sup>十六</sup>。僧隆觀還俗。頗涉<sup>二</sup>藝術<sup>一</sup>。兼知<sup>二</sup>竿曆<sup>一</sup>。

◎是歲。立<sup>二</sup>東西市<sup>一</sup>。

<sup>慶雲元</sup>大寶四年甲辰正月癸巳日<sup>七日</sup>。以<sup>二</sup>大納言石上朝臣曆<sup>一</sup>為<sup>二</sup>右大臣<sup>一</sup>。

○三月。僧都始分<sup>二</sup>大小<sup>一</sup>。

○五月五日甲午。備前國獻<sup>二</sup>神馬<sup>一</sup>。即日。大極殿西樓上見<sup>二</sup>慶雲<sup>一</sup>。仍改為<sup>二</sup>慶雲元年<sup>一</sup>。見<sup>レ</sup>雲人式部少丞小野馬養也。「貢神馬人」援<sup>三</sup>三階<sup>一</sup>。并賜<sup>二</sup>純十疋。糸廿絢。布卅端。鍬卅具。

○六月乙丑<sup>十一</sup>。河内國古市郡人一<sup>三</sup>產<sup>二</sup>三男<sup>一</sup>。賜<sup>レ</sup>物。

○七月。下<sup>二</sup>総國進<sup>三</sup>白鳥<sup>一</sup>。

◎同月。粟田真人從<sup>レ</sup>唐歸朝。

○十一月。周防國貢<sup>二</sup>白鹿<sup>一</sup>。越後國貢<sup>二</sup>兔毛布一張。金鋪二枚<sup>一</sup>。

<sup>四日</sup>慶雲二年乙巳三月癸未日。天皇車駕行<sup>三</sup>幸倉橋離宮<sup>一</sup>。

○四月十七日丙寅日。勅曰。大納言四人。宜<sup>レ</sup>廢<sup>二</sup>一員<sup>一</sup>。更置<sup>二</sup>中納言三人<sup>一</sup>。以



補大納言之不足。

○九月丙戌日。置九日八咫烏社。

○癸卯日。越前國獻赤烏。貢烏人賜祿。

○靈異記云。慶雲二年九月十五日庚申。豐前國宮子郡少領膳臣廣國忽以卒去。逕三箇日。十七日申時。又甦活而語。之曰。使有三人。一頂髮舉束。一少子也。路中有大川。廣椅以金塗巖。自其椅行至其京。時有八官人佩兵。前有金宮。王坐黃金座。詔廣國曰。今召汝者。依汝妻憂也。見昔死妻。以鐵針打頂通尻。以鐵繩縛四枝。王詔廣國曰。汝實無罪。可還於家。然慎黃泉事勿妄宣傳。若欲見汝父。即可見南方。其父抱熱銅柱。鐵針卅七。打之其身。則以鐵杖。夙三百反。晝三百反。夕三百反。合九百反。每日打迫。廣國見之悲哭。問云。何受此苦。父語子言。我昔為養妻。或斂生命。或奪人物。不孝父母。不恭師長。由此等罪。受如此苦。痛哉。苦哉。汝速為我造佛寫經。贖我罪苦。慎之莫忘。言畢。還其大橋下。有守門人遮言。凡入內者。更不還出。廣國暫徘徊間。小子出來。時守門人跪礼小子。不障歸出。廣國問小子言。汝是誰人。小子荅云。吾是汝幼稚時書寫觀世音經也。【已上異記】

○十一月己丑日十三。徵發諸國騎兵。為迎新羅使也。以正五位上紀古磨。為騎兵代大將軍。

○十二月乙卯日九日。都下諸寺。施食封各有差。

○乙丑日十九。有勅。令天下女上髭。又令脱裳着白袴。

○同月。四品多紀內親王為伊勢齋。

○是年。天下疫疾。仍始追大儺。同年。山背國相樂郡女。三度男女六人產之。初產一男。次二女。後二女。給物如例。初二男。有詔為大舍人。

慶雲三年丙午正月朔日丙子。天皇御大極殿。新羅使等在列。朝廷儀衛。有異於常。

○四日己卯。彼使貢調。

○壬午日。<sup>七日</sup>饗新羅使于朝堂。秦諸方樂。賜祿有差。

○二月十六日。勅。從一位封五百戶。正二位三百五十戶。從二位三百戶。正三位二百五十戶。從三位二百戶。

○七月乙丑日。<sup>廿四</sup>丹波。但馬二國。山林火災。遣使奉幣帛於神祇。即雷聲忽應。火災自滅。

○九月乙丑日。<sup>廿四</sup>行幸難波。

○十月壬午日。<sup>十三</sup>還宮。

◎同月。淡海公城東第。初開維摩法會。屈入唐學生智寶。講無垢稱經。慶雲四年丁未正月。藤氏賜封。大臣薨後贈階低。

○三月甲子日。<sup>廿六</sup>給鐵印于攝津。伊勢等廿三國。使印牧駒犢。天下始用革帶。

○五月癸丑日。<sup>十六</sup>美乃國一產三女。賜穀四十石。乳母一人。

○乙丑日。<sup>廿八</sup>學問僧義法。義基。摠集。慈定。淨達。自新羅來。

○六月十五日。天皇春秋廿五崩。十一月丙午日。火葬飛鳥岡。山陵大和國高市郡檜前安古岡上。【高三丈。方一町。】遺詔云。舉哀三日。凶服一月。朕之母儀。阿閉皇女。宜攝<sub>下</sub>方機。嗣<sub>中</sub>天皇位<sub>上</sub>矣。元年丁酉。如來滅後一千六百四十六年。

## 扶桑略記第五

〔狩本與朱書〕

以影尾張古寫本【是本之原本也】古寫鈔節本校訂 望之